

Bosna i Hercegovina
Federacija Bosne i Hercegovine
Parlament Federacije BiH
Dom naroda
Presedavajući
n/p gosp. Tomislav Martinović

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 08-11-2024			
Org. jed.	Broj	Priloga	Valjivosti
05/2	-02-	496	124

Bosna i Hercegovina
Vlada Federacija Bosne i Hercegovine
Komisija za dodjelu sredstava općinama i gradovima
iz Budžeta Federacije Bosne i Hercegovine
Hamdije Čemerlića 2
71 000 Sarajevo
Broj: 03-02-719-1/2024

Sarajevo, 28.10.2024.godine

Predmet: Odgovor na delegatsko pitanje delegata u Domu naroda Parlamenta Federacije BiH, gosp. Fahrudin Čolaković

Veza: Vaš akt broj: 05/2-02-496/24 od 05.09.2024.godine

Poštovani,

U skladu sa Vašim aktom broj i datum gornji kojim ste se obratili Komisiji za dodjelu sredstava općinama i gradovima (*u daljem tekstu: Komisija*) ovim putem Vas želimo informirati o sljedećem. Rješenjem Vlade Federacije BiH V broj 539/2024 od 8.4.2024. godine, a koje je objavljeno u Službenim novinama Federacije BiH, broj 27/24 dana 12.04.2024. godine imenovana je Komisija.

Vlada Federacije Bosne i Hercegovine je na svojoj 31. sjednici, održanoj dana 8.4.2024. godine, usvojila tekst Javnog poziva za podnošenje prijave za finansiranje/sufinansiranje projekata/zahtjeva/inicijativa /ostalih aktivnosti od značaja za jedinice lokalne samouprave u Federaciji Bosne i Hercegovine (*u daljem tekstu: Javni poziv*) koji je objavljen dana 15.4.2024. godine na web stranici Vlade FBiH, dnevnim listovima "Dnevni avaz" i "Večernji list".

Javnim pozivom propisani su opći kriteriji, posebni kriteriji, potrebna projektno-tehnička dokumentacija i zrelost projekta, a temeljem kojih se izvršilo vrednovanje pojedinačnih aplikacija. Nadalje, istim Javnim pozivom je propisano da će "Komisija koju je imenovala Vlada Federacije BiH izvršiti izbor projektnih prijedloga podnositelja zahtjeva tj. potencijalnih korisnika po osnovu Javnog poziva".

Također, u tekstu Javnog poziva naveden je način izbora projekata gdje se kaže da će "Komisija razmatrati prijave u skladu sa Procedurama za izbor potencijalnih korisnika za dodjelu sredstava (*u daljem tekstu: Procedure*) koje utvrđuje Komisija, te

u skladu sa odredbama Javnog poziva sačiniti prijedlog rang liste korisnika sredstava". Procedure su od strane Komisije donijete i usvojene dana 26.04.2024.godine.

Ocjenjivanje i dodjela bodova je izvršena za sve aplikacije nominirane ispred svih općina/gradova identično, a temeljem gore navedenih Procedura. U zavisnosti od toga šta je dostavljeno od tražene dokumentacije propisane Javnim pozivom izvršeno je ocjenjivanje i bodovanje pojedinačnih aplikacija.

Istim Javnim pozivom se definira da konačnu rang listu po provedenom Javnom pozivu utvrđuje Vlada Federacije Bosne i Hercegovine posebnom Odlukom koja je objavljena u Službenim novinama Federacije Bosne i Hercegovine.

S poštovanjem,

Komisija za dodjelu sredstava općinama i gradovima iz budžeta Federacije BiH

Marica Bulić, predsjednik

Arijana Huseinović – Ajanović, član

Tijana Ešpek, član

Zaim Beriša, član

Josip Nikolić, član